


ODE ALCAICA,
 QVAM
 MEMORIAE
 GENEROSAE ET NOBILISSIMAE OMNIBUSQVE
 SUI SEXUS VIRTUTIBUS
 DECORATISSIMAE FOEMINAE,
 SOPHIAE DE PONIKAU
 NATAE SPORIAE,
 DOMINAE in Bombsen/Wauenhoff
 & Schönborn / c.
 SACRAM
 & Observantiae erga Generosissimam Familiam Suae
 TESTEM
 ESSE VOLUIT
 CHRISTIAN-FRIDERICUS Franckenstein/
 PROF. PUBL.

LIPSIÆ,

LITERIS SPÖRELIANIS,

ANNO MDC LXXIV.



Lugubre Carmen Melpomene dabis !

Vocesqve tristes & qverulos sonos

Effunde Musa, luctuosa

Pectora concutiente thyrso :

Scatere mandes lumina flumine,

Et corda curis: syndone planctibus

Deterge palpebras madentes

Et caput alticoma cupresso

Obnube lugens. Scilicet exitus

Expectat omnes: Ibimus, ibimus

Omnes: per orbem qvique exstat

Transvehitur Stygiâ carinâ,

Vel nunc vel olim. Cernis ut Æolus

Sylvas citato corripit impetu ?

Cernis per agros perq; fruges

Ut rapidis ruit Ister undis ?

Tali triformis se quoque proripit

Latona cursu: Quæ Fidei immemor

Morumqve Fortunæqve terris

Fert tacitam sine fronde taxum.

Non si trecenis difficilem bubus

Plutona places, si sterilem feras

Vaccam Dianæ, sustinebis

Indomitas cohibere Parcas.

Ergone

Ergone pulchram cæsariem Tibi

Vis sæva fati, parcere nescia,

O STELLA SEXÛS FOEMININI

PRAERADIANS, SOPHIE, recídit?

Qvàm multa virtus, qvæ Pietas Tibi

Morumqve splendor, qvi Pudor adfuit?

An conjugì qvondam sacratæ

Dextra fidesqve parem videbunt?

Non ordo Avorum, non Genus inclytum?

Non nota terris maxima Nomina,

Sortisqve dona blandientis

Vim poterant inhibere Fati?

Ut FILIORUM nobile PAR gemit,

Et voce Matrem ter vocat ultimâ?

Suspirat altè, lugubresqve

Dat sonitus, revocatqve Matrem

COSPOTHIANI qvæ Thalami decus

Et lumen audit. Fallor an ipsemet

Suspiriis commotus Ejus

Ingemuit SOPHIÆQVE planctus

Perfolvit HEROS? Tota domus dolet:

Singultit undis Nereidum cohors:

Tristesqve casus & sinistram

Rura dolent crepuisse Taxum.

At, qvam supernis sedibus addidit

Virtus, scelestis præcipitem procul

Furata terris, illa planctus

Et gemitus meruisse Vobis

Est

IX 21 3985

Est visa? pronis illa volatibus
Spernens caducas, quas colimus, domos,
Invasit Arces, quâ decemplex
Itque redivitque subinde gyros.

Hic vel supremi Numinis in sinu,
Jacet reclinis, serpere nubilo
Crasso vel obscurum stupefcit,
Quicquid habet spetiosa Tellus.

Hæc cogitabis, qui SOPHIEN doles,
Luctumque franges. Protenus expedi
Mortalitatis nube mentem,
Et poteris domuisse Fatum!



III

VDT7

ML

ODE A
 QUAM
 MEM
 GENEROSÆ ET NOBIL
 SUI SEXUS
 DECORATISSIM
 SOPHIÆ DE
 NATÆ S
 DOMINÆ in B
 & Schön
 SAC
 & Observantiæ erga Gen
 TES
 ESSE V
 CHRISTIAN-FRID
 PROF



QVE
 AU
 ff
 stein/

